

გამოსვლა

№ 29

1917

შინაპოლიტიკა: დიქტატურა—ქმარი, შურაცყოფა—ძ. რაბორტი—მეფისტოფელი. კარიერისტის აკანხე—თარაში. ფოთის ვითარება—ბუტუნა. ახალი ჰენი—კახი. ახლად გაგლეხებული—ძამია. შარაღ—დ ბეჯანიშვილი. იმერუ-

ლი სტენა—კ. ბ.—ძე. და სხვ.
სურათები: მორიგი „გამოსვლა“. საარჩევნო ციებ-ცხელება. წერტილი თვალთხედვისა.

მორიგი „გამოსვლა“



გუჩიკოვ-მილიუკოვი. მაღლობა ღმერთს! ველირსეთ თქვენს გამოსვლასაც, მეგობრებო. მოდით, მოდით, საქმე თქვენთვისაც იშოვება..

დიქტატურა

იმ დროს, როდესაც აივანზე ძვირფასი მეგობარი, ანტიპო, ამოვიდა ჩემი მდგომარეობა კრიტიკულზე ასწილ უკრიტიკულესი გახლდათ.

პირველ ყოვლისა ვსთქვით ისა, რომ უსაყვარლესი მნათობი მზე, ისეთ მხურვალე გრძნობებს იჩენდა ჩემდამი, რომ მისმა ეშხმა არსებითად „დამწვა და დამანელა“. სუნთქვა შემიხუთა, ოფლით დამნამა, მუსკულები მომიდუნა და სხ. და სხვ.

ასეთი მდგომარეობა თავის თავად დიდ საფრთხეს არ წარმოადგენს, მაგრამ ჩემს მდგომარეობას ართულებდა კიდევ ერთი გარემოება. სახელდობრ: საკირო იყო, გინდა-არგინდა, რაიმე სახუმარო ფელეტონის დაწერა. მას შემდეგ, რაც ჩემი ძვირფასი თანამშრომლები გამეფიცენ, ეს ერთი საკითხი რეაქციად მაწევს გულზე.

ჩემი მეგობარი ანტიპო შურდულივით ამოიქრა აივანზე. ჩვეულებრივის მხიარულებით, შორიდან გაქნევითა და ტკაცანით ჩამომართვა ხელი და ჩემს მოდუნებულ ცხოვრებაში სიცოცხლე შეიტანა.

— ოოო! ანტიპოს გაუმარჯოს! — მივესალმე მეგობარს.

— გაგიმარჯოს, მეგობარო! როგორა ხარ? ახალი რა იცი?

— აბა რა უნდა ვიცოდე, ქართული თეატრი რომ დაიწვა ეგ შენც გაკებული გექნება.

— კიდევ კარგია ქართული საქმე რომ გაინტერესებს. სოციალ-დემოკრატები ხომ საქართველოს...

- ვიცი, ვიცი.
- რა იცი?
- ის ვიცი რომ კარგს არაფერს იტყვი მათზე.
- შე ახლა ისინი არ მაშინებენ.
- რა ამბავია?
- შე ვაცხადებ დიქტატურას!!
- რასა?
- დიქტატურას, მხოლოდ მარტო საქართველოში. დიქტატორი მე თითონ ვიქნები.
- მხარს ვინ გაქვრს?
- ეგ საიდუმლოებაა. მე ვიქნები მხოლოდ ათი წლით დიქტატორი. ვიდრე საქართველოს ვავათანასწორებ, ავაყვავებ და გავაბედნიერებ. შემდეგ

ან მოვკვდები, ან ჩემით დავანებებ თავს. პირველ რიგში, რასაკვირველია, დავსვამ და გადავჭრი ნაციონალურ კითხვას. ეს საქმე სრულიად უბრალოა და მიკვირს ამდენ ხანს რატო აჰიანურებენ და აძნელებენ—საქართველო ქართველებისთვის—მორჩა და გათავდა. საქართველოს ირგვლივ მაღალ კედელს შემოვავლებ, მხოლოდ სამს ან ოთხ კარებს დაუფუტოვებ: ჩრდილოეთით, სამხრეთით, დასავლეთით და აღმოსავლეთით. შეგნით მარტო ქართველებს დავტოვებ...

მზე თანდათან მეტის ძლიერებით აქერდა და ჩვენი სისხლი მჩქეფარე მოძრაობაში მოჰყავდა. მე საშინლათ მომეწონა ანტიპოს ნაციონალური პროგრამა.

— რუსებს აი ასე ვეტყვი: სამეფო თქვენი ვრცელი და მდიდარია, მხოლოდ პარიადკა ვერ გივარგათ. წადით ძმებო, მოაწესრიგეთ საქმე და იცხოვრეთ. ჩვენ ხელს არ შეგიშლით.

— ეგ ყველაფერი კარგი, მაგრამ ხელი რომ ვინმე შეგიშალოს?

— შენ ფიქრი ნუ გაქვს. ყველაფერი მაქვს სახეში მიღებული. პირველ ყოვლისა ნოე ჟორდანას დავიჭერ და მოვათავსებ ჩემს ახლოს მეტეხის ციხეში!

— როგორ? შენ უკვე აპირობ მეტეხის ციხეში ჩასახლებას?

— უეჭველათ! მე, როგორც დიქტატორი იქ ვაგებ ჩემთვის დიდებულ სასახლეს. საუცხოვო სტრატეგიული პუნქტია. ირგვლივ რამოდენიმე ქცევაზე სახლები უნდა აეყარო და ბალი გავაშენო. ნოესაც სწორეთ მეტეხის სასახლეში მივსცემ ერთ ოთახს სამხრეთ მხარეზე მტკვრის პირისაკენ.

— რა თქმა უნდა იქით სჯობია, ნოტიო არ იქნება.

— უკაცრავათ! მე ამას სიმშრალის გულისთვის რადი ვშვრები. მე მიხნდა რომ ნოე მტკვარს გადაჰყურებდეს, ვინაიდან მტკვარში მეყოლება საუცხოვო ესკადრა ქართული დროშებით და დავ მან უყუროს მათ ლაღ სრიალს საპყრობილის ფანჯრიდან.

სიცხე თანდათან მატულობდა. მზე, თითქო ერთ წერტილს მიებჯინაო, გამაგრდა საშუაღლეოზე და დაუშინა დედა-მიწას მწვავე სხივები.

— ამასთანავე გახსოვდეს ისიც,—დაიწყო ოფ-

ლის მოწმენდის შემდეგ ანტიპომ, — რომ ნოე ეორ-დანის მივსცემ საკითხავად მხოლოდ ნაციონალურ საკითხის შესახებ დაწერილ წიგნებს. იჯდეს და იკითხოს.

— კი მაგრამ რატომ ამ ერთ ნოეს ჩააცივდი...

— არა, ნუ გეშინია! დანარჩენ ორს ერევის მოედანზე ჩამოვანჩრობ...

— აჰ!

— არა, თითონ მათ კი არ ჩამოვანჩრობ, არამედ მათ „ჩუჩელოებს“. მაგრამ ჩუჩელოს ნამდვილ იმათი გრიმი უნდა ექნეს. თითონ ორიგინალებს დავსვამ ახლოს და ვაყურებივ. უცქირონ და დასტკენ სანახაობით.

— კარგი, მაგრამ რას ერჩი ამ ხალხს?

— იმს ვერჩი რომ ინტერნაციონალ-მინტერნაციონალს არ დავხსნებთან და მე კი საქართველოში მაგისტრის ადგილი არ მექნება. სიტყვები: „ინტერნაციონალი“ და „პროლეტარიატი“ მოისპობა.

— ვსტკვით არ მოისურვებს თავის ჩამოხრჩობა!

— როგორ თუ არ მოისურვებს: მე, დიქტატორი თუ მოვისურვებ იმათ რა ნება აქვთ არ მოისურვონ. ამგვართ მე ვსწყვეტ ინტერნაციონალის საკითხს. კარლო ჩხეიძესა და კაკი წერეთელს ნებას მივსცემ დაბრუნებისას, უკეთუ პატიოსან სიტყვას დასდებენ, რომ ნაციონალ-დემოკრატების მარცხნივ არ წავლენ.

— მეტი რა გზა ექნებათ, მადლობელი კი არ დაგრჩებთან?

— ყველაზე უფრო რადიკალურათ ქალთა საკითხს გადავჭრი.

— აი ეს ჩინებული განზრახვაა.

— საარჩევნო უფლება ქალს ენიჭება ქართული ულუფის არჩევის დროს. უკიდურეს შემთხვევაში საქმროს არჩევის დროსაც და აგრეთვე საკაბე მატერიის ყიდვის დროს. პოლიტიკა ქალისათვის ღმერთს არ გაუჩენია.

— რომ არიან პოლიტიკოსი ქალები, იმათ რაღას უბირებ.

— ბერი არ ვიცი და კატო მიქელაძეს, განდგეილს, ვახვაძეშვილს-წერეთლისას, ნინო ნაკაშიძეს, ნინო ყიფიანს და რამოდენიმე სხვას დავიჭერ.

— უკეთესი ჯერ არაფერი გითქვამს.

— ქართველ კნიაუნებს მოვავროვებ ერთად...

— დიდებული საქმეა...

— მოვავროვებ იმისთვის რომ შევასწავლო ქართული ენა. როცა თითოეულ მათგანს ვეფხის-ტყალსანი, ქილილა და დამანა, ვისრამიანი, მეჯღანუაშვილი და დაბადება ზეპირათ ეცოდინება, მაშინ ნახავ რამდენი წმინდა ნინო მოველინება ჩვენს სამშობლოს.

— იქნება ზოგიერთს თამარაც ჰქვია?

— რა ვუყოთ მერე. საქმით ყველა წმინდა ნინო იქნება.

— პაპიროზს ვინც ეწევა?

— ჩამოხრჩობა! აქ შებრალება ყოველად წარმოუდგენელია. ქალი და პაპიროზი ჩემს სადიქტატუროში ისევე შეურიგებელი იქნება, როგორც ცეცხლი და წყალი.

— ჩინებულია! ამ საკითხში მე პირდაპირ შეგიძლია თანაშემწეთ მიგულვო.

— როგორ? განა შენ სხვა ჩემ მიერ გაკეთებული საქმე არ მოგწონს?

— არა, მომწონს, რასაკვირველია, მაგრამ ეს ქალთა საკითხი პარდაპირ გულს მოხვდა.

— ათი წლის შემდეგ შენ ამ ჩვენს თფილისს ვერც კი იცნობ. დავტოვებ მხოლოდ სოლოლაკის შენობებს. დანარჩენს დავანგრევ და ახალ გეგმაზე ავაშენებინებ. სოლოლაკში ერთ სახლს შენც გითავაზებ.

— გულწრფელი მადლობა ჩემგან.

— სასახლის ქუჩა უთუოდ უნდა გაგანიერდეს. სომხების ეკლესია, სარაჯიშვილის სახლი და სხვა შენობები უნდა დაინგრეს, რომ გოლოვინის ქუჩა, რომელსაც შოთას ქუჩას დავარქმევ, ერთი სიგანისა იყოს და ამ სახით პარლამენტი, რომლისთვისაც უნდა გადაკეთდეს თამაშევის ქარავსლა, კარგათ გამოვლდეს.

— პარლამენტი რა ჯანაბათ გინდა რომ აღარ ვიცი? დაიწყება პარტიობა და განხეთქილება ხალხთა შორის.

— დიხაც არა. ათი წლის განმავლობაში მე მოვახერხებ იმას, რომ ყოველი ქართველი ძმასავით გრძნობდეს ქართველს. მაგრამ დავუბრუნდეთ სამშენებლო საკითხს. მადათოვის კუნძულს გავსწმენდ ამ ქოხნახებისაგან და გავაშენებ ზედ მშვენიერ ბაღს, რომლის შუაგულში იქნება უდიდესი ძველი უდიდესი ქართველი მეფის დავით აღმაშე-

ნებლისა. აგრეთვე მტკვრის ორივე ნაპირას აყვრი სახლებს და ავაგებ მშვენიერ წყლის პირის ქუჩას ბაღებით. ქართველ ინჟინერებს ვაიძულებ რამოდენიმე დღის განმავლობაში მოკირწყლონ ქუჩები და მოაწყონ მათი გარეცხის საქმე თუ არ აასრულეს, თავებს დავერი...
 — ძალიან კი ინაღვლებენ!

— რატომაც არ ინაღვლებენ. ვსაქვათ, თავის მოჭრა არ ექნებათ სანაღვლოთ, მაგრამ ამ მშვენიერ ცხოვრებას რომ განშორდებიან, ის არ ეწყინებათ? ინჟინერ ქურდიანს წინადადებას მივცემ მტკვარი წყნეთიდან მთაწმინდაზე აიყვანოს და იქიდან ძირს გადმოუშვას, რომ ნიაგარის სანახავათ ქართველ კაცს ამერიკაში სიარული არ დასჭირდეს.

— ეს კარგი იქნება, მაგრამ ხიდები რომ უწყლოთ დარჩება?

— მარტო მტკვრის ამბრა ხომ ვერ ვიქნებით. წყალი საქართველოს საქიროზე მეტი აქვს. შეგვიძლია არაქსი სათავიდანვე მტკვარს შევეუერთოთ. რათ უნდათ სომხებს იმოდენა მდინარე.

— სომხებს არაფრათ, მაგრამ მაჰმ. დიანებს ხომ არ შეუძლიათ უმისოდ დარჩენა. ლოცვის წინ უთხოვდ ფეხი უნდა დაიბანონ.

— ეგ სხვა საქმეა. ჩვენ და მაჰმადიანები ყოველთვის მოვრიგდებით. უკიდურეს შემთხვევაში შეგვიძლია შავი ზღვიდან გადმოვიყვანოთ არხით საქირო წყალი. ხუთიოდ წლის შემდეგ მთელი ეს განდევილის მთა უღრანი ტყით იქნება დაფარული და შიგ აურაცხელი ლომები, სპილოები, ვეფხვები და გველ ვეწაპები დაბინავებული.

სიცხემ უზენაეს წერტილს მიადწია და ალბათ ამისგან გული შემიწუხდა. როცა მოვსულიერდი უკვე საღამო ხანი იყო. ანტიპო ჩემს ლოგინთან იჯდა და კარდონის ნაქერით შუბლს მიგრლივდა.

ეშმაკი.

ახალი ჰიზენი

(პეტროგრადიოზა)

ზურგი ვაქციეთ ძველ ადამ-წესებს, ჩამოვიბორტეთ ვით ფეხთა მტვერი, და ჩვენსა მტარვალს ხალხთ უხუცესებს გამოვუხურეთ რკინისა „დვერი“*) ოქროს კერპები გვეზიზღებოდა,


დავლევით, როგორც ქოთნები თიხის, ვინც გუშინ ჩვენი სისხლით ძღებოდა დღეს მის სისხლს სწუწის რწყილები ციხის. როცა აგვეწვა მუტლისა კანი მყის გავუწოდეთ ურითიერთს ხელი ვეკეთეთ, აღარ ვაყოვენთ ხანი, თვითმპყრობელობას გავსქერით ყელი.

მაგრამ ჩვენ მარტო ეს არ გვეყოფა კვლავ ბრძოლა, ბრძოლა შეუზოგარი, და თუ წინ ვინმე გადავევლობა ავქნათ**) ვით ბურაკს აქქის „პოვარი“. მშიერ მღვდლებსავით, ხროვა მდიდრების დღეს კვლავ ჩვენს ზურგზე სუქდება ძღება, მაგრამ გვახსოვდეს რომ ჩვენი მტრების ჰა, დასასრულიც უკვე იწყება. ჩვენ მოგვასვენებს მხოლოდ საფლავი გაჭრილი მათვის ჩვენი ხელითა, და თუ ქელვხზეც ცხვრის შილაფლავი და შავი ღვინო გიახვლითა.

მტარვალ-ჯალათებს ჩავსკით ლახვარი სისხლს ვეღარა გვეწოვს მეფე ტირანი, დღეს ხალხის ხელში ვამხდარა მჭვარი, ეს გუშინდელი საბაყირანი.

იმათ აღარ ყავსთ ძველი „წმინდანი“ მოაკლდათ ძალია „უზენაესი“, ფუჭი შეექნათ ყოველი ცდანი ხაღიხმა მათ ყველას აუგო წესი. ცისკრის ფერ ვარსკვლავს გავუღეთ კარი ჰა, მზის სხივებმაც ვააპეს ბნელი, რევოლუციის ჰქრის მძაფრი ქარი ბრძოლა, ბრძოლა, უკანასკნელი. მაშ მედგრად წინ, წინ, მშრომელო ხალხო გასწი აღთქმისა ქვეყანისაკენ, დუხტირ ცხოვრებას აუღე აღლო და შენი ბედი გასქედე შენა.

კახი.



*) „დვერი“ — ქართული სიტყვა, ხალხ რუსულად კი მას „კარები“ ჰქვია.
 **) აქქის — აგუწვას.

მეფისტოფელის რანორტი ეშმაკისადმი.

დაჯღა და წიგნი დასწერა ნი.გ-ქარსა გაატანა:
ჩვენ ხაკბილოთ კბილი გავკრათ, შენ ეშმა ხარ, მე ხატანა.

კ ა რ ი ჰ ი რ ვ ე ლ ი .

ძმაო, ეშმაკო, სალამი შენდა!
რა რიგ ქრელია წუთი სოფელი!
ვიდრე უფალი კაცს გააჩენდა,
ლლიაში ჰყავდა მეფისტოფელი.
მეფისტოფელი თუ გინდ ეშმაკი,
ან ეშმაკი და მეფისტოფელი,
ციდან განდევნა წვერებ ცანცარამ
ძირს დაუმკვიდრა მათ სამყოფელი.

მიწა მოგვანდო, თვით ცა დაიპყრო
საქმეა სწორეთ დასაწუნები.
ჩვენ აქ მიწაზე მიტომაცა ვართ,
ხშირად გავროზგოთ „ძმა კაცუნები“.
მათი ცხოვრება, მათი ღღებები,
უნდა მოგვხამოთ, უნდა დავთვალოთ,
აჩრდილებივით კულში მივსდით
ორ ფეხ ცხოველებს და უთვალთვალოთ.
საქართველოში ახლა მოვედი,

ცეცხლისა ეტლით მეშვიდე ციდან.
წინა წერილი, ძმაო ეშმაკო,
გამოგიგზავნე საჩქაროთ, გზიდან.
როცა მოვედი თფილის ქალაქში
ველარ ვიშოვე ტრამვაი მალი.
უნდა გაგიტყდე, ძმაო ეშმაკო,
მე დამემართა საქმე ფატალი.
ტრამვაი დამხვდა, შავრამ მერე რა,
„კონდუქტორებზე“ ისხდენ მგზავრები.

კუღია, როცა გვერდ ჩალეწილი
შენს სამშობლოში დაემგზავრები.
ღმერთმა გაშოროს, ძმაო ეშმაკო,
გვაზავას ლექსი, კასრადის თხრობა,
ასე იტყიადა ზურგიელიძე;

„ძნელი საქმეა ახლა მგზავრობა“.
ღმერთმა გაშოროს შენ ერევნელი
„დემოკრატების“ ცრუ პოლიტიკა
სპირდონის „რეჩი“, ე. მალუს სიტყვა,
და რობაქიძის მეტაფიზიკა.

ზურგიელიძე არ მომკდარაო
ლიდმა მგოსანმა სთქვა ეს თუ არა.
სანამ „მემკვიდრეთ“ სული უდგიათ,
ზურგიელიძე ჯერ არ მომკვდარა.
ეგ, სხვათა შორის იყოს ნათქვამი,
არ მინდა სიტყვა რო გაგიპრტყელო!
ხუთი წელია რომ არ მენახა,
მე არც თფილისი, არც საქართველო.
ყური მიფუგდე მგზავრთა ლაპარაკს,
ბაასი იყო ავსტრიის ჯარზე,
რუსთა ერიშზე, ხვადაგის ხორცზე
ხან ხატისოვზე, ხან კომისარზე.
ტყვილს არ ვიამბობ, ან ეშმაკისთვის
სიცრუე ღდეს რა გასაბეღია!
ჩემ გვერდით ქალებს ჰქონდათ ბაასი:
— „ახ რა „ღღუშკა“ ჩვენი კელია.“
უჰ, ქა დამიდგეს ორივე თვლები!
ავრევე ამბობს ტფილისში ბევრი.
ყველა „ღღუშკა“, ამბობენ, ყველა
„ნარდონთ პარტიის“ ცენტრალი წევრი.
ქალი საბედოს მათზე უკეთესს,
ამ ღღუშაში ვერც კი ინდომებს.
ისინი სწყვეტენ აწ გასაწყვეტსა *)
კონტრაქტებს ჰკრავენ იწყებენ ომებს.
თურმე ისინი ისაკუთრებენ
ჩვენ საქართველოს წალკოტებს, ველებს.
ხატავენ გეგმებს, მუსრავენ ზუთხებს,
ანაწილებენ მინისტრთ პორტფელებს.
მათ ვინ ეღაროს, ან რა თავს იღდებს
ან ხატისოვი ღდეს, ან ბაბოვი.
დიდი კაცია კაცუნებს შორის
კიდევ ამბობენ—ეს ვეშმაოვი *)

*) „გასაწყვეტთა“ კატეგორიაში ნურავინ
იგულებს ნურც წწყვილებს, ნურც ადღანჯაყებს.

*) გრიგოლ ვეშაქელს სტუდენტობის
დროს საღარბო ბარათზე ეწერა: გრ. ვეშა-
პოვი, რადგან რუსის სტუდენტის ეშმაკი-
და მისი სახელი.

— კიდევ ვინ არის? ჰკითხა ვილაცამ.
 (ქალი შეჩერდა, დააღო პირი.
 ამ შეკითხვაზე კაცი რო შეკრთეს
 რა უნდა იყოს აქ გასაკვირი).
 ჰე სად მვითვალო ჩემო დია,
 ტასიკო იყვ და თუ გინდ ევ.
 ყველა დიდ ყურებს თავს თუ მოუყრი
 ვგონებ თფილისშიც არ დაეტევა.
 მტკვარს გადმოვედით როგორაც იყო
 დიდის რაჯგუნით, ვაი ვაგლახით
 და „გოლოვინსკზე“ წამს გადმოვფრინდი
 ალექსანდროვის ჩრდილოვან ბაღით.
 წინ შემეყარა მე გევაი ვინმე
 მრულდ მსვლელობით ღვინით „ნალეში“
 აქედან მარტო გამოვემგზავრე
 ქართველ ქალების საჩაიემი.
 ეს გახლავთ ჩვენი ახალგაზრდობის
 (ჯერაც არ ითქმის იმათი ფსი),
 მხატვრების ბინა, პარტიათ კლუბი
 და პოეტების დიდი პარნასი.
 აქ მოვლენ ხოლმე დროს სატარებლათ
 მამულიშვილნი, „მამულის მტერნი“,
 „ლიპიანები“, და კუჭი მაგარი
 მართლ მორწმუნენი და ფილისტერნი.
 აქ თავს იკრიბან, იკრიბებიან
 თვალს წყალს ასმევენ ბანოვანთ მხერით,
 კუჭს იფუქებენ უშაქრო ჩაით,
 და თვალებს კიდევ ქუჩისა მტვერით.

ქაი მორა

როგორ გვხვდი მე ნაციონალ დემოკრ.ტი.

აქ უნდა შევდგე, დიდო ეშმაკო,
 დიდო მსაჯულო და წინამძღვარო,
 ჩემ მცირე რაპორტს მინდა ცოტა რამ
 წინა თქმულებაც წინ წაუშმღვარო.
 ცივ რუსეთიდან მომავალ მგზავრსა
 (ამ ფაქტს მოაპყარ მკითხველო ყური,)
 ნაცნობმა გზაში გამომატანა
 მე ზამთრის პალტო, ზამთრის სათბური.
 თუმც არ ციოდა, ხელითა თრევას
 ვარჩიე ტანზე ჩამეცვა იგი.
 კროველი ჰქონდა მას თურქესტანის
 როგორც მოითხოვს წესი და რიგი.
 აქ ისხდნენ, იმდროს, სპირდონიც,
 „მალუც“
 ჩაისა სვამდენ, თან აბოლებდენ
 მდიდრულათ ჩაცმულს, უცხოლ ჩამოსულს,
 ცნობის მოყვარე თვალს მაყოლებდენ.

როცა გავედი საჩაიედან
 თვალეში მტვერი წამსვე მეკვეთა,
 წინ გავიარე, უკან გავხედე
 ვილაც აჩრდილი შემომეფეთა.
 მითხრა: — უცნობო, შეჩერდი ცოტა,
 პარტიის წევრსა მაქვს საკითხავი?
 — „გინდა ქვეყანას თქვენ უპატრონოთ,
 მამულისათვის გასწიროთ თავი?
 გინდათ სიმდიდრე, თფილი ადგილი,
 გეტყობათ გიყვართ თფილეთულობა,
 სოლიდურ სახეს, სოლიდურ პალტოს
 არ შევნის ქვეყნის მტერ-ორგულობა“?!.
 — მინდა, ვუთხარი, ვფიცავარ ღმერთებს,
 და ვის არ უყვარს ცხოვრება ტკბილი!
 თფილი ადგილი როგორ არ მიყვარს,
 ხედავთ ზაფხულშიც მაცვია „თბილი“ *)
 „ყველა ქართველი მამულიშვილი
 საკრებულოსა არის სიაში *)
 სჩანს ბურჟუა ხართ, მაშ ჩაეწერეთ
 დაუყონებლივ ჩვენ პარტიაში.
 — მაგრამ ბატონო მე რათ გინდევართ,
 არ ვიცო ვერა, არც ლაპარაკი,
 — რავეუყოთ მერე, ჩვენს გაზეთშიაც,
 ბევრმა არ იცის ხომ სწერენ აქ“?
 — არც თუ უფალსა შევეუოსივარ
 ძლიერი ნებით ან და გონებით.
 — „ისინიც სწერენ სისულელესა
 მაგრამ ყველაფერს ზეწთავონებით“:
 — არც მეტყველობა მომეპოვება
 მე სამიტინგო სასპარეზო.
 — რა ვუყოთ მერე ძლივს ბლეუკუნებენ
 ჩვენი შალიკო და ჩვენი რეზო.
 „კაცისა გული განიზომება
 არა თუ სიბრძნით, მხოლოდ ქველობით,
 სისულელესა ვინ გაასალებს
 ჩვენ გრიგოლსავით მქვერმეტყველობით“.
 და წაიყვანეს.
 და შემასწავლეს წამსვე სპირდონის
 „მამაო ჩვენო“
 დანარჩენებზე, ძმად ეშმაკო,
 ნება მომეცი ხვალ მოგასენო.

მეფისტოფელი.

*) სულ ნახმარ პალტოზე იყო ამბავი.
 *) დეპუტატთა საკრებულოს სია პირდა-
 პირ შეიტანეს ნაციონალ დემოკრატებმა თა-
 ვიანთ სასრეგისტრაციო წიგნში. ეს ფაქტია *)

ავტორი.

*) ფრიალ სსსიამოვნო. ეშმაკი.

შეურაცხყოფა

(სამადროვო ხუმრობა)

მოქალაქე*) პეტრე სახლში აღელვებული დაბრუნდა. ნაცვლათ იმისა, რომ მოქალაქე**) სოფოსთან ღიმილით მისულებოდა განუმრებლად; გააღერებოდა და შუბლზე მზურვალეთ ეკოცნა, მან ოთახში გამაღებელი სიარული და კბილების კრაქუნნი დაიწყო.

წარმოიდგინეთ, სოფოსთვის არც კი შეუხვდავს!

ნეტა მაინც ჩვეულებისთვის ელაღატნოს საბრალო ქალსა და იქვე—ფანჯარასთან არ დახვედროდეს დამჯდარი!

— ჰგავს, რაღაც საწყენი შეხვედრია ჩემს ქმარს, — გაიფიქრა სოფომ და სახეზე შეწუხება დაეცყო.

მისი ექვი მით უფრო გაძლიერდა, რომ პეტრე ქუდის მოხდას არ აპირებდა.

ჩვეულებრივით ის კარებში შესვლისას იხდიდა ქუდს.

ერთი სიტყვით, ყველაფრიდან ნათლათ სჩანდა, რომ სოფოს სჯულიერი მეუღლე თავის გუნებაზე აღარ იყო.

— რა მოგივიდა, გენაცვალე? ხმას კანკალით ჰკითხა პეტრეს სახე გაფითრებულმა ბალიშის მოზიარემ.

— რა მომივიდა!.. რა მომივიდა!.. გამოანძღა! გამათახსირა.. კაცობიდან ფეხი გამომადგმენინა!.. მომკლა, მომკლა, ჩემო სოფო! მომკლა იმ..

— ვინა, გენაცვალე?

— სერაფიონმა. იმდენ ხალხში რა არ მიძახა: ძროხა, თხაი, ხარი, ვირი, მუტრუკი!.. მაგრამ ამას ვინ ჩივის... ბოლოს სულ მომსპო: ფედერალისტი მიწოდა!

— რას მელაპარაკები!

— დაახ, ფედერალისტი!.. რამდენჯერ წავჩხუბებულვართ. მარა ასე ჯერ.. ღმერთო ჩემო! ფედერალისტი!.. სოფო, შენ იცი რა არის ფედერალისტი?.

— როგორ არ ვიცი, ბოშო, ყუმი ხომ არ ვარ!

— თქალი აღარსად გამეჭყირება... უხ!.. სოფო, ისეთ გუნებაზე ვარ, რომ... სწორეთ გული გამისკდება!

სოფო დაფიქრდა, დალონდა, გულზე რაღაცამ მწვავეთ უკბინა. ქმარს სანუგეშო ვერაფერი უთხრა.

პეტრეს კიდე უფრო მეტათ დაეტყო აღელვება. სიარულს უმატა... უცებ ის შეჩერდა, შუბლზე თითი მიიღო, სახე გაუბრწყინდა: „ვნახოთ, თუ ვერ გადავიხადო, დაიყვია და კარში ტყვიასავით გავვრდა.“

სოფო შეერთა, შეშინდა. „გვი რომ მოჰკლას და თავიცა და მეც დამღუპოს“ გაიფიქრო გულში და თვალზე ცრემლი მოადგა. პეტრეს კვალიც კი აღარსად სჩანდა.

— გადაუხადე, გადაუხადე! შეჭყვირა სირბილსაგან გულ-ამომჯდარმა პეტრემ კარებში და ქუდი წაგიდისკენ ისროლა, მოდი, ჩემო სოფო, ერთი გაკოცო მაგ ბროლის შუბლზე, შეკუნტრუშდა ის და ცოლს გძნობით დაეკონა..


— სოფიკო, გადაუხადე იმ ყურმუსადღს, მარა როგორ გადაუხადე... იფ! უკეთესი გადახდა ღმერთმა შეარცხვინოს! ცოტა ოდენა თავ-მოყვარება თუ აქვს, თავი უნდა მოიკლას. შენ ნუ მომიკდე, უნდა მოიკლას. პატიოსან საზოგადოებაში იჯდა და მუსაფობდა მივედი და პასუხი მოგვსთხოვე.

— დაიკარგე აქედან! შენი პასუხისათვის არ მცალიაო!

— როგორ თუ არ გცალია, შენ ბოლშევიკო, შენა! მივაყვირე მე და გამოვიქციე... როგორ მოგწონს, სოფიკო? ბოლშევიკო მეთქი! მოკვალი ხომ კაცი. ბოლშევიკო მეთქი! ხა,ხა,ხა,... გაღიხარხარა პეტრემ და ტახტზე დაეშვა.

სოფოც ერთობ კმაყოფილი დარჩა ქმრის გმირული საქციელით. ის ღიმილით შესცქეროდა სიხარულისაგან აღტყინებულ ოჯახის კაცს და ფიქრობდა: განა არ ვიცოდი, რომ შენს მოქიდავე ხარს რქები არ შერჩებოდა!

d.



*) ძველათ ბატონი.
**) ძველათ ქაღ-ბატონი.

საარჩევნო ციეზ-ცხელეზა



სხვა და სხვა გზით, ერთი მიზნისკენ.

პარტიარისტის აკვანჯა

1 ნანინა რევოლიუციის წინად.

ნანა—ნანინა, რამ შეგაშინა
ნანა იყუჩე სახსოვო დედისი..
ძილს ვერ დაგიფრთხობს ჩემო სიცოცხლევე
ლეღვილი სიტყვა მემრძოლი ყბედისი!..

ნანა-ნანინა იყუჩე შვილო,
„დუმილი არის პირველი მცნება“
დროება მეფობს და მისსა შარას
გადაუხვიოთ „არ არის ნება“...

ნანა იყუჩე—გაიფურჩქნები
და კაკარდები დაგიშვენდება;
ნანა-ნანინა იყუჩე შვილო
და გზა ვარდებით მოგეფინება

2 ნანინა რევოლიუციის შემდეგ

ნანა-ნანინა რამ შეგაშინა —
რამ აგიცრემლა, ნორჩი თვალეზი?
უკვე არ არის შარაც იყო წინად,
ალარც იქნება, გენაცვალეზი!..

ნანა-ნანინა შენც დრო მოგიწევს
და ტრიბუნაზე გაიჭიმები—
მკეპარე სიტყვეთ სამშობლოს მტერსა
თავგანწირული შეეჭიდები!..

ნანა-ნანინა რამ შეგაშინა?..
ცეცხლად ალაგზნე ნორჩი თვალეზი!..
ალარ შემიდრკე შვილო მაშინა—
ალარ დაღუმდე გენაცვალეზი!..

თარაში.

საარჩევნო ციუზ-ცხელეზა



— ამხანაგებო! ნუ თუ ეს საშიშარი ტოლდა ჩვენამდეც
მოაღწევს და გაღაგვრეცხს აქედან.

ფოთის ვითარება.

მეორეთ მოხვლა, ქ ლაქ ბაბილონის გოდოლში.

მლოცველ მორწმუნეთა (ანუ მომქმედ რეაქციონერთა) წინაშე გამოცხადდა, „მესია“ (ძველათ ნიკოლაძე), რომელმან ლაღად ჰყო:

— შესაძლებელ არს ლოცვითა და მარხულობით სამოთხის მოპოება, ხოლო მოთმინებითა ყოველგვარი ამ ქვეყნიური ბედნიერებისა. თვინიერ ამისა, რქვა უფალმან მონათა თვისთა: საჭირო არს აშენებად ბაბილონის გოდოლისა, ცთამდე მიბჯენილისა, რამეთუ მორწმუნემან ჩემმან თავის ფეხით განვლოს გოდოლი ესე და სიცოცხლითვე დაემკვიდროს წიაღსა შინა ჩემსა, ამინ!

— ამინ, შენ უფალო! — შესძახეს მლოცველებმა ერთხმით და ერთბაშით დაეცენ მუხლებზე.

— ნეტარ არიან მორწმუნენი — ადავლინა სულიერმა მოძღვარმა მონათა მიმართ.

ნიკოლაძის აზრი შესახებ რუსეთის დიდი რევოლიუციისა.

საარჩევნო სადებიუტო კრებაზე ნიკოლაძემ განაცხადა: ეს რევოლიუცია არ მოუხდენია არც ერთ პოლიტიკურ ჯგუფს, არც პარტიას, არამედ ეს მოხდა როგორც აუცილებელი მოვლენა რუსეთის პოლიტიკურ ცხოვრების ისტორიისა.

ჩვენი სააგენტო ფიქრობს, ნიკოლაძეს თითონ არ მიუღია რევოლიუციაში მონაწილეობა (პირიქითა) და ამიტომ 1905 წლიდან ვიდრე დღემდის პოლიტიკურ პარტიათა სარევოლიუციო მწყობრი მუშაობა მხედველობიდან გაჰპარვია.

მანვე განაცხადა: სხვა და სხვა პოლიტიკურ პარტიების არსებობას დღეს ქვეყნის ბედნიერება არ თხოულობსო.

სააგენტო აქაც ფიქრობს ამხ. ნიკოლაძის ჯგუფები და პარტიები (სამინისტრო და ტრესტები) გაუქმდენ, ხოლო არსებულ პოლიტიკურ პარტიებში, როგორც დიდი კაცი, ნიკოლაძე კერ დაეტევა და ამიტომ ზედმეტათ მიაჩნიაო.

სააგენტოს ქვეყნისათვის საჭიროთ მიაჩნია პარტიების არსებობა, ხოლო ნიკოლაძისთვის არაო.

დასვენება.

არტელის მუშებმა ექვსი თვით დასასვენებლათ ვაგზავნეს ის რამოდენიმე მუშა, რომლებიც საილუმლოთ მძიმე შრომას ეწეოდენ „ტრუმში“ სხვა და სხვა საქონელის რეკვიზიციის დროს. არტელმა აცნობა აგრეთვე სხვა პორტებს, თუ რამე დაგაკლდეთ ჩვენ სარეკვიზიციო კომისიას შეატყობინეთო.

სასყიდელი.

პროფესიონალურ კავშირის საზოგადო კრებამ ტრამვაის ყოფილ „კონტროლიორს“ იმ მოღვაწეობისათვის, რომელიც მან გამოიჩინა კონტრუქტორთა შორის ტრამვაის ბილეთების საილუმლო ოპერაციის მოწყობაში, დაადგინა: კონტროლიორის მოღვაწეობა ეცნობოს საზოგადოებას, ხოლო თვით კონტროლიორი დასასვენებლათ ვაგზავნოს ყაზბეგის მთაზე; კონტრუქტორები კი მუშაობისგან განთავისუფლდენ როგორც ორმაგი ბილეთების გაყიდვით დამაშვარლნი.

ნუ დააგდებ ძველსა გზასა, ნურცა...

საეაო გიმნაზიის მშობელთა წარმ (25 კაცმა, წრეში კი 70 კაცი ყოფილა) ტყემალაძის თავმჯდომარეობით დაადგინა: ხელახლა მოწვეულ იქმნას დირექტორათ ამხ. იავულაოვი.

ეს ამბავი პუნტოვნიკმა წრის თავმჯდომარემ, გ. საბახტარიშვილმა, ვერ დააფასა და კომიტეტში გაასაჩივრა. კომიტეტმაც ვერ დააფასა ღვაწლი მშობელთა ჯგუფისა და მუშათა და ჯარის კაცთა საბჭოს გადასცა დასაფასებლათ. უკანასკნელმა სავსებით დააფასა ყოველივე ეს და ჯილდოთ ტყემალაძეს კომიტეტიდან სამუდამოთ დასვენების ნება დართო, ხოლო დირექტორის მოწვევა განუსაზღვრელ ვადამდე გადასდო, რადგან დირექტორი და ტყემალაძე, როგორც ცნობილი რევოლიუციონერები, ჩინეთში იგზავნებიან ამ დღეებში დამარცხებულ რესპუბლიკის აღსადგენათ და განსამტკიცებლათ.

„უმაღური“ მუშები.

ხე ტყის ქარხნის პატრონებმა, (გარდა ერთი-სა) მუშათა ჯანმრთელობის მიზნით ამ ზაფხულში

მეშაობის შეჩერება განიზრახეს და მუშებს საზაფხულოთ წასვლის რჩევა-დარიგება მისცეს. მუშებმა ეს კეთილი სურვილი თავიანთი ხაზინებისა „ლოკაუტათ“ მონათლეს და საბრძოლველათ დაირაზმენ. მოდი და იყავი ამ დროში კეთილი ხაზინი.

ბუტუნა.



ახალ გაგლახეზულნი

(ძღვენი ხაზურელ მამულეშვილებს)

ბუჟანი. ნეტავ ვიცოდე, როგორ დამთავრდება დღევანდელი მიტინგი?!

კატო. ფიქრი ნუ გაქვს, ჩემო ბეჟან, წასვლისას ისეთი ჭიქა ღვინო გადავაკრეფინე ალექსანდრეს, რომ თუ ნებით არა ძალით გაიყვანს ჩვენ პრაგრამას.

ბუჟანი. ჭიქით კი არა მამა პაპური ყანწებით უნდა დაგვლეფინებინა, იქნებ ის უზრდელი დემოკრატები ამ ჩვენ ხაზურში სამუდამოთ ჩაეჩუმებია.

კატო. მე უთხარი ეხლა ამას დამჯერდი და გამარჯვებული რომ დაბრუნდები შენი ამხანაგებით სულ დუდუკით გაქეიფებ მეთქი.

ბუჟანი. მაშ გამარჯვება ჩვენსკენაა.

კატო. თავის თავად ცხადია, მე იმ ვილაკ იმნიშვილზე მომდის ჯავრი, კომიტეტის სახელით რომ იწერება დღეს ოცდა ხუთ თიბათვეს მიტინგი მაქვს „მიწის საკითხებზე“ და მობრძანდით საკამათოთო. თავს მოათმინება მივეცი, თორემ მე ვაჩვენებდი კომიტეტობას მაგ...

ბუჟანი. ნუ ხარ კატო უნიანი. აბა მითხარი რო ემუქრები რითი გინდა რო უყო რამე! ერთბაშათ ბოქაულ სტრაჟნიკებთან არ აფრინო ბიჭები! მუქარა კი არა მაღლობელი უნდა იყვე კრებაზე რომ გიბარებენ.

კატო. (გაბრაზებული) როგორ... მე... კნენია კატო მაღლობელი უნდა ვყო...

ბუჟანი. დაჩუმდი გენაცვალე, გულის ნუ იბოროტებ. რა კი ჩვენებს სადილი შეპარდი უსათუოდ გაიყვანებენ ჩვენ პრაგრამას. (შემოდის მათი ქალი-

შვილი ძალიან დაღონებული, კატო მივარდება. ბეჟანი გაშტერებული უყურებს).

კატო. რა იყო, შვილო, რათ ხარ ეგრე დაღონებული? სიცხემ გაწყინა?

ქალ-შვი. (ტირილით) ჩვენები დამარცხდნენ.

კატო. (სკამზე დაეშვება) უი ჩემს თვალებს.

ბუჟანი. (შუბლზე შემოაკრავს) ვაი ჩემო შერცხვენილო კნიაზობავ.

კატო. მაშ მოკვდენ ჩვენები!..

ქალ-შვი. ჩვენების რა ბრაღია, ბევრი იყვირეს, ბევრი თავი იტეხეს: არჩილმა რომ შეამჩნია გლეხები იმათკენ იყვნენ კრიტიკის მაგივრათ აგიტაციას მიყო ხელი: ნახევარი დემოკრატების პროგრამიდან ილაპარაკა რომ როგორმე გლეხები მოეტყუებია, მაგრამ ახსენა ფედერალისტი თუ არა ყორანივით გააშავეს. კონსტანტინეს გული წაუვიდა, ფრონის ღელეში ჩაიყვანეთ და იქ ძლივს მოვებრუნეთ.

კატო. ვაი შვილო, ალბათ წასვლის დროს სამი ყანწის მეტი არ დაუღლეია (ქალ-შვილს) ტრიფონი არ იყო?

ქალ-შვი. ტრიფონმა სიბრაზით ლაფში ნიკაპამდის ჩამოიქამა და ხელების მტვრევით თითებზე არც ერთი ფრჩხილი არ შერჩენია.

კატო. (ტუჩების კბენით) ისინი რამდენი იყვნენ?

ქალ-შვი. ორნი.

კატო. ორმა ოთხი დაამარცხა, ვაჰმე ჩემო კნენიობავ.

ქალ-შვი. ბოლოს გამარჯვებულებმა მოუწოდეს გლეხებს: ჩვენ მოწინააღმდეგეებს მიწის საკითხებში მასრებზე გავკარით შავები და ვეცადოთ დამფუნდებულ კრებაზე ჩოხები შევამოსოთო. (შემოდის მოსამსახურე მიტინგიდან დაბრუნებული).

მოსამსახურე. რაშია საქმე კინიაზეგო? (ხმას არ სცემენ ჩაიქნევს ხელს და გადის).

კატო. (თვალბის წმედით) ბიჭო!

მოსამ. (შემოდის) რა გნებავთ? ბაზარში მგზავნიო.

კატო. რას მიქარავ, ბიჭო, ბაზარში რა გინდა? მოსამ. შავების საყილათ ქანო.

კატო. (გაანჩხებული) გაჩემდი შე ხოხონიკა შენა.

მოსამ. ნუ გაცხარდები ქანო; სიცხვა.

კატო. რო მოკვტეთ ვერ წაიღებთ ვერა იმ მიწებს.

მოსამ, ჩვენ კი არა ჩვენი პროგრამა წვილებს. ქალ-შვი. ჩვენი პროგრამით რომ წვეგლოთ ვითომ გაწყენდათ?

მოსამ, არა, იქნება გეწყინა ბარიშა, მარა ჩვენი პაგრაბით უფრო მოგვიხდება.

ბეჟანა. (დაღონებული) ამხანაგო სიმონ! აბა რა საკადრისია დაცინვა? ვიყოთ ძმურათ და ამხანაგურათ.

მოსამ. (გაკვირვებული) რა? წამოგცდა, თუ მე ყურმა მომატყუა.


ბეჟანა. რას გაგიკვირდა შე კაი კაცო, თქვენ პროგრამაში ხომ სწვრია რომ ჩვენ ყველა ამხანაგები ვართ?!

მოსამ, აი მამაშენ თემურაზს აქვს ცხონება. ასთე თქვით ნაღველს რას მიხეთქავთ?

კატა. (ამოხვეწებით) ვაჰ ჩემო კნენიობავ!

მოსამ, რას იხამ ქნო გაგიფრინდა, მაგრამ არა უშავს რა, პერვოი სორტის გლეხობას მოგცემთ!

ძამია.



შარადბ

რედაქციას ვსთხოვ დაბეჭდვა
ბევრი არ დაავიანოს,
შარადბს კიდევ გიბოძებთ
ბეჟანაშვილი დიანოს.

მინდა შარადა დავსწერო
მკითხველმა თვარ დამიწუნა.
მეც ვსწერო ისე, რომ სწვრენ
კოლო, ჩრჩილი და ბუტუნა*)

*) ჩინებულოა განზრახვა
ნაღვანო კოჭლაბს მცირესა.
ჩვენ უკეთესებს შოველით
იქით და იქით გვირესა,

კოლო.

მოვნახოთ ერთი ქალაქი
სცხოვრობს სხვა და სხვა ერები,
რუს-პოლონელნი, ქართველნი,
უფრო კი ებრაელები;
„ვილგელმი“ დააპატრონდა
იგი თვალ დასაბნელები
ბევრმა დაჰკარგა ბრძოლაში:
თავი; ფეხი და ხელები.

პირველი ორი ანბანი
გვჭირია—სხვა ურგებია,
მოვნახოთ ეხლა ჩვენ უქმი
რაც ქრისტიანებს რგებია;
ის მარტვი უნდა ვიუქმოთ
კანონათ ჩვენ დავგვდებია,
იმ დღისთვის თევზის ჭერის დროს
ხელები გამცივებია

რომ თქვენ მოაგნებთ ამ უქმსა
ვარ სრული დარწმუნებული,
პირველი ასო გვჭირია
სხვა იყოს უკუ გდებული;
ეხლა ტყისაკენ წაბრძანდით
თუ რომ გაქვთ მაგარი გული
იპოვნეთ ერთი ნადირი
ქოთნისგან შეშინებული

მსუნაგობაში უგნურმა
დაჰკარგა თავის თავია,
დაე დაიხრჩოს ის წყალში
ვინაც მავნე და ავია;
ხორცი იმისი არ ვარგა
მოიხმარება ტყავია;
პაწა წიგნაკში ხატიო—
ბავშვების საკითხავია

პირველი ორი ანბანი
შარადისათვის გვჭირია,
ეხლა ერთი რამ მოცდებნოთ
არ არის გასაქირია;
სახლის წინ ქალს უკავია
კვირის თავი და ჩერია,
რას ართავს გახარებულსა
წყნარათ რომ უმღერს პირია

ამა საგნისა სახელი
შესდგება ექვსი ანბნითა,
უკანასკნელი გვექირია
სხვა მოვაშორით კალმითა;
ყანაში მუშას ვესტუმროთ
ის შრომობს დღე და ღამითა
ხნავს, მარგლის, თოხნავს საბრალო
და სხვანი ძღება ამითა.

მოპირული თოხი მოაქვს
ყანაში სამკედურიდან,
და ის რას უყრის ყუაში
ყანა გამარგლოს მან ტყიდვან;
ეს ხე ჯოჯისა მსგავსაა
გათლილი კაცის ხელიდან
აგი შარადას თოლათ უნდა
და რა მოაკლოთ აქიდან.

ამა საგანსა მივმატებთ
წინ ერთსა ასოს ჩვენ „ს“-ანსა,
მივიღებთ თანამდებობას
ვინც დღეს არა ჰყავს სადგურსა;
ვინც მატარებლის მოსლის დროს
ჰკბენდა მოსულს და დამხოურსა,
ის უმცროსებთან იყოფდა
ქრთამათ აღებულ ფულებსა.

დღეს კი აღარა არსებობს
ვაგზავნეს საომარათა,
ჩვენი კეთილი დღეობა
მათთვის მობრუნდა მწარათა;
ის ორმოც წლოვანზე მეტი
აგდია ქუჩა — შარათა
ეშმაკის მათრახს უძღვენენ
ჰემი პირველი შარადა.

დ. ბეჟანიშვილი.

იმიერული სცენა

(ანუ მოხუც მიხეილის ნამბობი)

— ასე რო მკოდნოდა რაფა ძაღლი შემქამდა
და ჩვეწერებოდი მაგენის პარტიაში? იმ შეჩვენებუ-
ლი დათიკოს ბრალია, არ მომცა საშველი, — მე ქე
ვარ ჩაწერილი და შენც ჩვეწერეო, ღვდლებიც ქე
არიენ შითო. გულში ვიფიქრე: თუ კი ღვდლები
შით არიენ, მე გარეთ რაფა დავრჩეთქვა და წავყე-
ვი. შევედით კლასში. შევხედე: პარტიის წევრები
უჩენიკების სკამებზე იყდენ. ჩვენი ოვდელიც იქ
ერია იგენტან. ჩვენს წინ ერთი დიდი სთოლი იდ-
გა. ზემოდგან ერთი ვინცხა მოწიფული ღვდელი
და ერთი ბარაშნა შოჯდომოდენ სთოლს და რაცხა
ქალადღებს შინჯავდენ. ეს რაცხა არ მექაშნიკა
გულში, მარა ვიფიქრე—ვინმე ნათესავი იქნება
ამისთქვა. დათიკოს ვკითხე ის ღვდელი ვინ არის-
თქვა.

— ის ღვდელი დიდი შეგნებული არისო,
ერთობის კაცია, კორექტივში არის და მასთან კო-
მიტეტის წევრიც არისო. კარგი და პატიოსანი, მეც
ეს მინდოდათქვა ვიფიქრე. ბოლოს აწია თავი მალ-
ლა იმ შეჩვენებულმა და გვითხრა:

— თანჯდომარე ეიჩიეთო. ამ დროს ვინც-
ხამ წამოიძახა მექიეი, მექიეიო! და ის იყო ღვდლისა
და იმ ბარაშნის შუა ჩაჯდა იგი არჩეული კაცი.
ეილო ზარეი ხელში და დაუწყო რაწკუნი. მაშინ
კი ვიფიქრე—რამ გამაბრიყვა სამოც და ათი წლის
კაცი, რომ ამ მასხრებთან ჩვეწერეთქვა. ამ დროს
იმ ჩვენმა არჩეულმა კაცმა დეიწყო რიხიანათ ლა-
პარაკი: —იმედია წესრიგს დეიცავთო, გეიხსნა კრე-
ბაო და ვისაც გინდა ლაპარაკი ჩვეწერეთო. ეს პირ-
ველი გაგონება იყო ჩემი. ვიფიქრე: ლაპარაკს რა
ჩაწერა უნდა თქვა. შენ წარმეიდგინე, სიტყვასაც
ვერ იტყოდი იმ ზარეიანს თუ არ თხოვდი ისთე-
რალა ბევრი გავაგრძელო, ბევრი ილაპარაკეს ვინც-
ხეებმა და განაბოლოს წამოდგა ფეხზე იმეჩვენებუ-
ლი ღვდელი. დაპრაწა თვალეები სამი წლის კურო



მოზვერივით, დეიწყო ლაპარაკი მარა რა დეიწყო. ვიფიქრე ახლა ეს კი იტყვის რამე ქრისტიანულსთქვა. მარა მეტი არ იხარა იმის თავმა, იმას კი არაფელი ვთქვეს. დეიწყო ყმაწვილო: მიცვალეზულს ტირილი არ უნდაო, ქელეხი უნდა მოისფოს, კვტარს პურ-ღვინო არ აცხონებსო. ტყვილა უბრალო ხარჯიაო, ღვდელი ვისაც დაპირდება იმან იქირაოს, ძალდატანება არ შეიძლებაო. გააგრძელა ენა იმ შეჩვენებულმა, არ იქნა იმის გაჩერება, სანამ თლათ არ მუათავა. იმან რაც იქ ილაპარაკა ღმერთმა ჩემს მოსისხლე მტერს ნუ გააგონოს. ყველა არც კი ითქმება, ღვთისწინაშე ჩვენი ღვდელი ქე იყო მოწყენილი, როგორც შევატყვე არ ემხრობოდა იმ შეჩვენებულის აზრებს. ბოლოს გვითხრა ხაზინმა: ვინც არ ხართ მომხრე ქელეხის ხელი ასწიეთ ზეითო. უნდა გითხრა სიმაართლე უმრავლესობას არ უუწევია ხელი და ბევრიც ვიყვირეთ: მომხრე ვართთქვა, მარა იმ შეჩვენებულმა წამოიძახა: უმრავლესობა არის მომხრე რომ ქელეხი მოისფოსო და დოჟრთო დაშტი და დოჟრთო. იმას სხებმაც მიყვენ და ამ ნაირათ მოსფენ ხვთისაგან დაღვნილი სამართალი. ასე იყო ივანე ჩემო წუხანდელი პარტიული კრება, აგია მოსაწონი?

ი ღვდელი არალის გასაპარკავი, ვინც ამას ქადაქობს?-ამას იქით მე იქ იმან ვერ მნახოს, მეტი არ უუღღა გვერდები- იმ შეჩვენებულ ღვდელს იმას!

კ. ბ.—ძი.



ჭიათურისათვის

ბატონო ეშმაკო, რომ საეშმაკო საქმე ბევრია, აგი ცხადია. და რომ ვამხილოთ, სიტყვა ვთქვათ სწორი, წარმოიდგინეთ ბევრს არ სწადია... მაგრამ სიბნელე, საქმის სიძნელე, არ უნდა იყოს ეხლა მალული: ლუკა ჯ—ას, (რომ ვთქვათ პირღიას);

ერთობ აქვს ტვინი ღვდეს არეული; გიჟობს ღვდესტინე, კეტს იქნევს ნ-ნე, საგიყეთაა კერა ქცეული... რა ქნას! არ მოსწონთ ეს ახალი დრო, (ძველშიაც იყვენ გზა დაბნეული). ერთს უთვალთვალე, თან ხელს ვაფარებ, რომ საეშმაკო არ გახდეს იგიც, ხოლო, თუ ძველ გზას აედევნება ვიტყვი მათრახის კერძია ისიც.

კ. ი. ბ. ა.

გამოხანა

ჩვენი ქვეყნის საუნჯევე, ახალგაზრდა ბატონო!
„დასელობით მოღლილო“
საქართველოს „პატრონო“.
საკვირველი კაცი ხარ,
საკვირველი ფრინველი.
შეგხარის, შენგნით ელის
შეგხას შენი სოფელი.
შენ კი ერთ გზას არ ირჩევ,
ღობე ყურეს ედები;
იქ ხარკოვში ყოფნის დროს,
დასელებს ეკედლები.
როს მოღიხარ კახეთში
და იგემბ ღვინოსა,
“საქართველოს პატრონო“
ეტრფი წმინდა ნინოსა.
თუმც ცარიელ სიტყვებით
ხან დასელობ და ხან კი
ეროვნულ ბურჟუების
ხარ ერთგული მუშაკი,
მაგრამ არც დასელი ხარ,
არც მუშა ეროვნული,
არცლა საზოგადო
საქმით გატაცებული.
შენ სხვა გვარ ხალხს გამსგავსებ—
არც, ჩვენი, არც „სხვისი“ ხარ.
სადაც მეტი სითობა
მეგობარიც მისი ხარ.

ჯიბილა.

„ერთობა“


მიიღება ხელის მოწერა 1917 წლისათვის

გაზეთი ღირს როგორც თფილისში, ისე კავშირისთვის მთელი წლით 15 მანეთი, ნახევარი წლით 8 მ. სამი თვით 4 მან. 20 კაპ., ერთი თვით 1 მან. 40 კაპ.

გაზეთის ფასი ხელის მომწერლებმა წინდაწინ უნდა გადაიხადონ, ნისიათ არავის გაეგზავნება ფოსტით ხელის მომწერლებმა ფული შემდეგი ადრესით უნდა გამოგზავნონ: Тифлисть, почтовый ящик № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „განათლებაში“ ოფის კუჩა №6.

სოციალ-დემოკრატიული იუკოკრისტოული გამოცემა



მიიღება ხელისმოწერა 1917 წლისათვის


ჟურნალის ფასი: 12 თვით 9 მ. —	
6 თვით 5 მ. — კ.	
3 თვით 2 მ. 50 კ.	
1 თვით — 90 კ.	

ეშმაკის მათრახში დაბეჭდება მხოლოდ იუმორის-ტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვესებიდა სხვა.

ჟურნალის სამხატვრო და სალიტერატურო მხარეს განაგებს ეშმაკი, ხოლო გამოცემის საქმეს კანტორა „განათლებაში“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და ფული ამ ადრესზე: გამოგზავნონ Тифлисть, С. Р. Таварткиладзе, Ольгинская, 6 поч. ящ. № 96.

წერტილი თვალთახედვისა



ესეც შენი თავისუფლება! ექამდე თუ ერთი ლაქით ბეკდავდენ, ესლა...